

UPRAVA DRUŠTVA

Broj: U.D-01-3.2-1675/18

Sarajevo, 25.01.2018. godine

Na osnovu člana 45. Statuta; člana 69. stav (2) pod e) i člana 70. stav (4) Zakona o javnim nabavkama BiH ("Službeni glasnik BiH" broj: 39/14); člana 14. stav (1) Pravilnika o javnim nabavkama "JP BH Pošta" d.o.o. Sarajevo i preporuke Komisije za nabavku redovnog servisiranja i održavanja ispravnosti i funkcionalnosti mopeda Centra pošta Zenica 10.4.6-13.73-16267-13/17 od 12.01.2018. godine, Uprava Društva na 138. elektronskoj sjednici održanoj dana 25.01.2018.godine d o n o s i:

ODLUKU**o poništavanju postupka nabavke – Redovno servisiranje i održavanje ispravnosti i funkcionalnosti mopeda Centra pošta Zenica****I**

Ovom Odlukom poništava se postupak nabavke: **Redovno servisiranje i održavanje ispravnosti i funkcionalnosti mopeda Centra pošta Zenica** zbog toga što su cijene prihvatljive ponude znatno veće od osiguranih sredstava za predmetnu nabavku.

II

Ova Odluka stupa na snagu danom donošenja i ista se dostavlja kandidatu koji je učestvovao u postupku nabavke.

Obrazloženje

Na osnovu Odluke o pokretanju postupka javne nabavke: „Redovno servisiranje i održavanje ispravnosti i funkcionalnosti mopeda Centra pošta Zenica“ broj: U.D.01.3.2-16649/17 od 26.10.2017. godine i Rješenja Generalnog direktora o imenovanju Komisije za nabavku, broj: 01-13.73-16267-5/17 od 03.11.2017. godine, proveden je otvoreni postupak javne nabavke objavljivanjem Obavještenja o nabavci broj: 238-1-2-829-3-201/17 dana 27.11.2017. godine na Portalu javnih nabavki, sa objavom tenderske dokumentacije.

Javno otvaranje ponuda u postupku predmetne nabavke je održano dana 19.12.2017. godine u 14,30 sati, u prostorijama Centra pošta Zenica, o čemu je sačinjen poseban Zapisnik o otvaranju ponuda, koji se dostavlja u prilogu ovog Zapisnika.

Otvaranju ponuda je prisustvovao Delić Mahir, predstavnik ponuđača „AC Beganović“.

Komisija je prije samog otvaranja ponuda konstatovala slijedeće:

- da je 6 (šest) potencijalnih ponuđača preuzelo tendersku dokumentaciju sa Portala javnih nabavki;
- da je do roka za dostavljanje ponuda pristigle ukupno 1 (jedna) ponuda i to od ponuđača: „Autocentar Beganović“ d.o.o. Zenica, Vrandučka br. 57., 72000 Zenica
- da je koverta neoštećena, uredno zapakovana i zapečaćena;
- da je na koverti sa ponudom stavljeni redni brojevi prema kojima se utvrđuje redoslijed otvaranja i čitanja ponuda, prema vremenu dostavljanja na Protokol i to: naziv ponuđača, ukupna cijena ponude i eventualno ponuđeni popust, ne praveći uvid u sadržaj i validnost dostavljene dokumentacije.

Nakon izvršenog otvaranja pristigle ponude, Komisija je pristupila analizi i utvrđivanju validnosti ponude, obzirom na zahtjeve ugovornog organa iskazane u tenderskoj dokumentaciji, odnosno vrednovanju ponuda, u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa.



Analizirajući otvorenu ponudu za nabavku: **Redovno servisiranje i održavanje ispravnosti i funkcionalnosti mopeda Centra pošta Zenica**, Komisija je konstatovala slijedeće:

- Da ponuda ponuđača „**Autocentar Beganović**“ d.o.o. Zenica sa ukupnom vrijednošću ponude bez popusta u iznosu od **44.399,94 KM bez uračunatog PDV-a**, u potpunosti ispunjava sve formalno-pravne, tehničke i ekonomske uslove, odnosno zahtjeve ugovornog organa definisane u tenderskoj dokumentaciji te je shodno tome ocijenjena **prihvatljivom**.
- Da su jedinične cijene navedene u ponudi izuzetno visoke i višestruko veće od aktualnih tržišnih cijena predmetnih dijelova. Jedinična cijena pojedinih dijelova za mopede je toliko visoka da zamjena samo dva ili tri dijela premašuje ukupnu vrijednost novog mopeda. **Po ponuđenim jediničnim cijenama godišnja planirana sredstva bila bi dovoljna za popravku 10 do 15 mopeda, a ako se uzme u obzir da Centar pošta Zenica trenutno ima 76 mopeda, predmetnu nabavku je nemoguće realizovati.**
- Obzirom da se realizacija usluge održavanja mopeda vrši u skladu s potrebama i zahtjevima ugovornog organa, a na osnovu ponuđenih jediničnih cijena, te da maksimalan raspoloživi budžet za jednu godinu iznosi 17.550,00 KM sa PDV-om, uzimajući u obzir dosadašnje potrebe ugovornog organa na osnovu realiziranih prošlih ugovora, proizilazi da ponuda prelazi osigurana budžetska sredstva. Iako zbir jediničnih cijena u ukupnom iznosu ne prelazi osigurana sredstva za tri godine, analizom dosadašnjih potreba za rezervnim dijelovima utvrđeno je da osigurana sredstva nisu dovoljna za realizaciju trogodišnjeg okvirnog sporazuma.
- Iz navedenog proizilazi da je cijena ponude veća od osiguranih sredstava za predmetnu nabavku odnosno ponuda ponuđača nije u skladu sa uslovima definisanim tačkom II 6.a Obavještenja o javnoj nabavci broj 238-1-2-829-3-201/17 od 27.11.2017. godine, u kojoj je naznačena procijenjena ukupna vrijednost ugovora bez PDV-a.

Na osnovu navedenog činjeničnog stanja, Komisija je jednoglasno dala preporuku Upravi Društva da za nabavku: Redovno servisiranje i održavanje ispravnosti i funkcionalnosti mopeda Centra pošta Zenica donese odluku o poništavanju postupka predmetne nabavke, zbog toga što je cijena prihvatljive ponude veća od osiguranih sredstava za predmetnu nabavku.

Imajući u vidu sve navedeno donesena je Odluka kao u dispozitivu.

PRAVNA POUKA:

Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovori organ u toku konkretnog postupka dodjele ugovora prekršio jednu ili više odredbi Zakona o javnoj nabavci i/ili podzakonskih akata ima pravo uložiti žalbu Ugovornom organu u roku od 10 dana po prijemu Odluke o poništenju shodno članu 99. i članu 101. Zakona o javnim nabavkama i to radnim danima u radno vrijeme.



GENERALNI DIREKTOR

mr. sci. Mirsad Mujić

Dostaviti:

- Centar pošta Zenica (Nosilac posla)
- Marketingu (za objavu)
- Odjeljenju za J.N.
- Ponuđaču putem Komisije
- arhiva UD

